

Нарта делкән багъчудин 6-ч фестивальд одхми

Целинн района „Родина“ гидг колхозд ах хӧӧч болдж Муучкан Санджин Церн гидг баахн залу кӧдлнӧ. Цернӧ чинртӧ, олд болн колхоздан туста, тоомсрта кӧдлмшин тускар мана олн умшачнр цуг медцхӧнӧ. Эн джилин эклцӧр мана таньгъчин газетст Цернӧ тускар бас барлгдла.

Цернӧ эцк, Муучкан Сандж малин тускар ик медрлтӧ, олн джилӧ дамшлтта кӱн.

Хальмг таньгъчд ик гидгӧр туурч, нернь делгрдж йовсн Городовиковин нертӧ мӧр ӧсглгӧнӧ колхоз бӱрдӧсн улсин негнь—Цернӧ эцк, ода далн долата ӧвгн—Сандж билӧ.

Нидн джил Муучкан Сандж кӧвӱтӧгъӧн Омск областӧс „Родина“ гидг колхозд ирдж орла. Бӧӧрн улс Санджиг заяна дадмг—дамшлттагъинь меддгӧрн, Санджин Церниг хӧӧнд орулдж авла. Цернд ик гидг сельвг эцкнь ӧгсми. — „Малин шиир бӧрӧд йов, мал асрхла—амн тоста болдмн“ гигъӧд, мал асрдж ӧсгхин тускар ӧндинд келдж ӧгдг билӧ.

Тиигӧд ик удан болсн уга. Цернӧр ах хӧӧч шиидӧд,

хӧрӱлджӧсн хӧӧгъӧрн Хар газрт оч ӱвлзх болв. Сандж ӧвгн зӱркӧн дардж ӱлддж чадш уга болад бӧӧв.

Кӧвӱгъӧн дахад Хар газр орв. Би 55 джил мал хӧлӧгъӧд, ӧсгӧд, дамшлав. Тер минидадмг дамшлгъ авхла, чамд сӧн сургъуль болх гидж эцкнь кӧвӱндӧн келнӧ.

Хар газрт одад Церн хӧ хӧрӱлсн цагтнь, Сандж дахдж йовад, ямаран ӧвс хӧндурлдж иддгинь, ямаран газрар хӧ хӧрӱлдж болшгог заадж, келдж ӧгдг бӧӧддж. Чӧдргнтӧ, зултргънта, бетктӧ газрт хӧн мал сӧӧнӧр идишлнӧ, лошх ургъсн газрт хӧ хӧрӱлхлӧ, хӧӧнӧ ноосинь атхад авчкад, зовадг учрта. Цагъан ӧвснӧ зӧг хӧӧнӧ арсинь ивтлӧд, цогц махмудтнь шигдӧд, ӧвткӧдг. Тер ӧвткӱртӧ зовлнъд хӧд эцӧд, нӧрлгъ болдг йоста.

Эцкиннь келсн эн товчта, тоомсрта, ухани кӧрнъ болм сургъмджта зааврмудиг Церн, ик кергтӧ, бийд туста заавр гидж ӧндинд оньгъдж сонъсдг билӧ. Цернӧ наснь багъ болдг болв чигн, болгъамджта, оньгта.

Аавиннь олн джилӧ дадмг

дамшлтиг дасдж авхар шуна йовдж эн дасад авб. Ӧнъгрсн ӱвл, хӧлӧдж, хӧрӱлдж йовх хӧӧдӧн, сӧн чинӧтӧ, гару угагъар ӱвлзӱлдж гаргъв.

Хӧ хургълуллгънд ах хӧӧч Церн сӧн белдлгъ кедж, сӧӧнӧр хургълулв. Ода удл уга Цернӧ отар киргългънд орхми. „Эн джил хӧн болгънас 5,5 килограмм ноос киргъдж ӧгх боллав, тер ӱгдӧн кӱрхв“ гидж Церн ицгтӧ бӧӧнӧ.

Тӱрӱн болдж ах хӧӧч Слизский Ильян отар киргъгдджӧнӧ. Тер бийнь Церн тесдж бӧӧддж чадхш. Майин 24 ӧдр Ильян хӧӧнӧ киргългънд Церн бийӧрн ирдж, нӧкд болдж, киргълцджӧнӧ. „Родина“ гидг колхозин ахлӧч ӱр Вдовин:—Мана ганцхн хӧлӧсн, энъкрлсн хӧӧчм бидн эн. Алькарнь болв чигн чаддг кӱн.

Эн Муучкан Санджин Церниг, цуг делкӧн багъчудин У1 фестивальд йовулх болдж шиидв бидн—гидж сӧн хӧӧчӧрн бардм кедж байрлдж келв.

Цуг делкӧн багъчудин билгӧрдм ӱзӱлгч фестивальд мана хальмг хӧӧч одна гидг, ик дӱмбр сӧӧхн нерн.

ЭРНДЖӦНӧ КОНСТАНТИН.